



Palle Christiansen, Demokraatit  
-/ Maani

### **Polaroil pillugu § 37 naapertorlugu apeqqummut akissut**

Asasara Palle Christiansen

Polaroil suliffeqarfiullu qulakkeerinninnermi periusissiai pillugit apeqqutinnut qujanarujussuaq. Apeqqutitit tulleriarlugit akineqassapput.

- 1. Naalakkersuisut Polaroil isumaqatigivaat, suliffeqarfiup qularnaveeqqusiinnermut politikkaa qularnaveeqqutinillu tunisat pisiallu nalunaarsorsimaffik ima pingaaruteqartigisut mianernartigisullu allaat saqqummiunneqartussaanaatik.**

Pilersuisut assigisaasalu suliffeqarfimmi niuernermut pissutsit immikkoortualuunik ilisimasaqarnissaat pissusissamisuuungilaq, paasissutissat taakku akit appartinnissaaannut atorneqarsinnaammata.

Tamassuma saniatigut oqaatigineqartariaqarpoq ikummatissanik imerpalasunik tuniniaanermi Polaroil kisermaassisuunngitsoq. Suliffeqarfik assersuutigalugu orsersuinnermi unammillerteqarpoq aammalu aatsitassarsiorsinnaanerni orsersuinissamut neqerooruteqarnermut tunngatillugu suliffeqarfiit nunanit tamaneersut unammilleqatigalugit.

- 2. Polaroilip paasissutissanik taakkuninnga uninngatitsiinnarsinnaappat – taava suliffeqarfiup qularnaveeqqutinik niuruteqarnerata inuiaqatigiinnut toqqissisimanartumik ingerlanneqarnissaa Naalakkersuisut qanoq ilillutik qulakkeerniarpaat.**

Namminersorlutik Oqartussat aktielseskabinik Namminersorlutik Oqartussanit pigineqartunik ingerlaavartumik nakkutilliipput. Namminersorlutik Oqartussat periusissiat isiginiarlugit piginnittuunermi suliassaq tamanna ingerlappaat, kisiannili ingerlatsineq suliffeqarfimmi aqutsisut suliarivaat, taakkulu ataatsimut isigalugu suliffeqarfiup niurfiani piginnaasaqarput.

- 3. (Juunip qulingani 2013-imeersup uteqqinnera) Ulloq 1. juli 2012 aallarnerfigalugu qularnaveeqqutit suut (uuliap akuiangaanngitsoq, uuliamik akuiavinni akit tunngavii aamma aningaasat) KNI-p pigisimavai aamma suut qularnaveeqqutit KNI-p ullumerpiaq pigai. Qularnaveeqqutit suuppat pisinerup nalaani aamma tunisinerup nalaani.**

Soorlu ersittoq qulakkeerinninnermi periutsit pillugit paasissutissat immikkoortualuttunngorlugit avammut saqqummiunneqarnissaat suliffeqarfiup

13-09-2013  
Sags nr. 2013-088201  
Dok. nr. 1334631

Postboks 1160  
Tlf: 34 50 00  
Fax: 34 55 05  
3900 Nuuk  
Email: pan@nanoq.gl  
www.naalakkersuisut.gl

kissaatiginngilaa. Inatsisartut Ataatsimiititaliaat suliamut attuumassuteqartut qulakkeerinninnermi periusissianik iliuitsinillu aalajangersimasunik ingerlateqqinneqartussaangitsunik immikkoortualuttunillu nassuiaaneqarnissaq kissaatigippassuk, suliffeqarfik Naalakkersuisut tamanna pillugu qinnuvigilluarsinnaavaat. Politikkit tamanut tunngasut ataani nassuiarneqarput.

Polaroilip ilisimatitsissutigaa nunatsinnut eqqussinissamik pilersaarut ukiumut ataatsimut suliarineqartartoq tunngavigalugu pisiortortarluni. Pilersarummi tassani gasoliap nunatsinnut eqqunneqartussap annertussusaa kiisalu eqqussineq qaqugu pissanersoq aalajangersarneqartarpoq.

Pilersaarutip taassuma aalajangersarnerta kingorna Polaroil tunisassianik qulakkeerinnittarpoq, tassanilu uuliap annertussusissaatut kissaatineqartup akia allanngugassaajunnaarlugu aalajangerneqartarpoq. Qulakkeerinninnerit taakku iluaquteqarput ajoquteqarlutillu: Akit qaffannginnissaat qulakkeerneqartarpoq, kisiannili niuernermi akit appanneranni iluanaarutaasinnaasut annaaneqartarlutik.

Qulakkeerinninnermi qulaaniittuni ilaapput uulia suliareqqinneqanngitsoq uuliamillu suliareqqiinnermi killissat, Polaroilillu tassunga atatillugu ilisimatitsissutigaa illuatungerisanit pingasuniit tallimanut akit nalinginnaasumik pissarsiarineqartartut.

Tunisassianik qulakkeerinninneq aalajangersarneqareeraangat uulianit tunisassiat akii US dollarinngorlugit akilernerisigut immikkut qulakkeerinnittoqartarpoq. Tamanna pigajuttarpoq periarfissat dollarip nalinga appassappat Polaroilimut iluanaaruteqartitsisinnaasut atorlugit, tassungalu peqatigitillugu dollarip nalingata qaffaassutissaa annerpaaffillerneqartarluni.

**a. Tunisinerup nalaani qularnaveeqqutit eqqarsaatigalugit; taakku qanoq KNI A/S-mi naatsorsuutitut allanneqartarput aamma tunisisoqassappat, tunisinnermi iluanaarutaasusaaq uuliamik pisisunut iluaqusiissava?**

Polaroilip ilisimatitsissutigaa qulakkeerinninnerit pisiortornerni pisartut, qulakkeerinninnerillu iluanaaruteqarnissamik eqqarsarneq tunngavigalugu pineq ajortut.

Iluanaaruteqartoqassappat tamanna Polaroilip ingerlatsinermut naatsorsuutaanut nalunaarsorneqartarpoq, taamaammallu suliffeqarfiup sinneqartoorutaanut Namminersorlutik Oqartussanut isumaqatigiissut malillugu aalajangersimasumik annertussuseqartussamut ilanngunneqartarluni.

Taamaammat iluanaarutissap killissaa qaangerlugu iluanaarutit atuisunut tuniniaanermi ikummatissap akianik Polaroilip appaaneratigut innuttaasunut iluaqutaassapput.

Polaroilip aammattaaq ilisimatitsissutigaa qulakkeerinninneq pillugu isumaqatigiissutit piffissami nunatsinnut eqqussunermi piviusunngortinneqartartoq. Polaroilip isertitanik aningaasartuutinillu naatsorsuineri akinut aalajangersimasunut ilanngullugu naatsorsorneqartarmat niuernermi iluanaarutit ajunaarutillu atuisunut tutsinneqartarput.

Isumaqatigiissutit piviusunngortinneranni ajunaarutit iluanaarutillu suliffeqarfiup ingerlatsinermut naatsorsuutaanut sunnuteqarneq ajorput. Kisiannili naatsorsuutitut

nalunaarsuisarneq pillugu inatsimmi piumasaqaataavoq aningaasatigut qulakkeerinninnerit naatsorsuutitut nalunaarsorneqassasut niuernermilu nalingi atorlugit suliffeqarfiup oqimaaqatigiissitsinerinut ingerlaavartumik ilanngunneqartassasut.

Naatsorsuutitut tunngatillugu qulakkeerineq (Hedge-accounting) suliffeqarfiup atorpaa, tamannalu isumaqarpoq nalit taakku oqimaaqatigiillutik saqqummertartut, taakkulu nammineq pigisat sunnertarai kisiannili ingerlatsinermut naatsorsuutit sunnertarnagit.

Neriutigaara Polarpoilip pisiortortarnerani tunisisarneranilu qulakkeerinnittarnerit pillugit apeqqutivit ilaat qulaani akineqartut.

Inussiarnersumik inuulluaqqusillunga  
Med venlig hilsen

  
Steen Lyng